



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გამყრელიძე შოთა აკაკის ძე

გამყრელიძე შოთა აკაკის ძე (28. II. 1922, ჭიათურა, - 28. VIII. 2015, თბილისი), ფსიქიატრი. მედ. მეცნ. დოქტორი (1971), პროფესორი (1989), საქართვე. მედ. მეცნ. აკადემიის ნამდვილი წევრი (1996), საქართვე. დამს. ექიმი (1967). ჭიათურის საპატიო მოქალაქე (1981). II მსოფლიო ომის მონაწილე. 1942-44 მოქმედ არმიაში იყო უმცროს მეთაურად. 1947 დაამთავრა თბილ. სამედ. ინ-ტი. 1952-54 მუშაობდა სოხუმის ფსიქიატრიული საავადმყოფოს მთავარ ექიმად. 1954-59 იყო რესპ. ფსიქიატრიული საავადმყოფოს სასამართლო-ფსიქიატრიული ექსპერტიზის განყოფილების გამგე, 1959-73 - იმავე საავადმყოფოს მთავარი ექიმი. 1973-2000 იყო მ. ასათიანის სახ. ფსიქიატრიის სამეცნ. კვლ. ინ-ტში, მის მიერვე დაარსებული ფსიქო-ფარმაკოთერაპიის განყოფილების გამგე. 2000-11- კლინიკური განყოფილების ხელმძღვანელი. 2011-2015 იყო ფსიქიკური ჯანმრთელობის და ნარკომანიის პრევენციის ცენტრის პროფესორ-კონსულტანტი. 1988-2000 იყო ფსიქიატრთა საზოგადოების თავმჯდომარე, მისი ინიციატივით მადრიდში, ფსიქიატრთა X კონგრესზე საქართველო მიღებულ იქნა ფსიქიატრთა მსოფლიო ასოციაციის წევრად. შეისწავლიდა ფსიქოზთა ეტიოპათოგენეზის, კლინიკისა და მკურნალობის საკითხებს. მიღებული აქვს სახელმწ. მ. შ. ღირსების ორდენი (1998), საბრძოლო ჯილდოები.

თხზ.: ალკოჰოლის მოქმედება ნერვულ სისტემაზე, თბ., 1961; ფსიქონერვულ დაავადებათა მკურნალობა თანამედროვე ფსიქოფარმაკოლოგიური მეთოდებით, თბ., 1968; შიზოფრენიის მკურნალობა გახანგრძლივებული მოქმედების ფსიქოტროპული პრეპარატებით, თბ., 1985.
